

靈寶領教濟度金書卷之二百五十三

洞微高士開光教者具人軍金具校

靈寶通玄教術南先生林靈真記

科儀立成品禮焚香齋用

晚朝行道儀

燒香頌

各禮師存念如法

宣衛靈呪

五星高耀 瑞氣飄浮 元始集神 天地交周

玉符寶節 嘯命微幽 擲火揚威 奸凶無留

萬魔振伏 氛氳却消 摧怪伐惡 道炁同流

神光照夜 陰翳俱收 萬仙降格 扇景乘颺

群仙咸遂 惠遍神州 和與道合具

鳴法鼓二十四道

无上三天玄元始三炁太上道君召出<sub>身</sub>

中三五功曹左右官使者侍香金童傳言玉

女五帝直符直日香官各三十二人出出者

嚴裝開啓玄壇天帝神君當召此開土地里

域真官正神急上開啓<sub>臣</sub>今奉為入齋意以

今落景陞壇行道願得玉清道炁靈寶妙光

下降流入<sub>臣</sub>等身中今<sub>臣</sub>所啓速達還御  
太上无極大道至真玉皇上帝御前

謹稱法位

具位<sub>臣</sub>某與臨壇官眾等謹同誠上啓

玉清聖境元始天尊上清真境靈寶天尊太

清仙境道德天尊太上昊天玉皇上帝中天

北極紫微大帝勾陳星宮天皇大帝神霄真

王長生大帝東極青玄上帝后土皇地祇九

天上帝三十二天上帝五老上帝十一曜星

皇君南斗六司星君北斗九司星君二十八

宿星君南方熒惑火德星君熒星君五星

所變五彗星君太乙月孛星君齋官<sub>等</sub>各

人本命元辰星君九天諸司真君天曹諸司

真君三元三官帝君北極四聖真君靈寶五

師真君泰玄樞機三省真君十方無極飛天

神王五天三界大魔王三天門下三元真君

上章詞表靈官三洞四輔經錄法科高真上

聖五嶽五帝真君五天聖帝洞天福地靖虛

治化得道仙官本派祖玄真師列位真人經

籍度師列位真人北陰玄天鄧都大帝水府

扶桑丹林大帝地水二司曹僚孫吏城隍社

令里域司命三界官屬一切真靈<sub>臣</sub>聞道判

兩儀鼓靈風而宰制聖包萬有運化雨以裁

成隆陽靈靈於三靈經緯權衡於五天帝以

初鑿光明浮空洞之中聖海同遊洞映煥金

書之內惟彌綸於天紀斯保制於生民<sub>臣</sub>等

風柳微資雨梧弱質皎皎霞外徒懷高蹈之

心役役塵中莫挽卑棲之志姑強顏而領教

聊補過以學真凡有皈投敢忘聞告既奉詞

旨敢不上聞

宣詞

按如詞旨備極衷誠<sub>臣</sub>聞市有八人企望星

之兆覺官蔽五鬼知鶉之興感雖炎災已

定於天災而灼灼若資於人火古今一致選

邇同然今齊官<sub>等</sub>棟宇鱗鋪庭廡櫛比傳

家侃侃訝斯笑斯哭斯居室温温合美美矣

完美忽耳聆於星覆倏目覩於火災或暗或

明若連若近積至歲月必災發於親鄰儻越

旬時似變萌於鄉井自匪修齋而預禱何由

首過以度析爰深遂居庸據奏志三成玉陛

羅旌葆以翩翻九奏金章散香花而縹緲五  
鎮旁敷於龍壁十華均莫於鸞綺梵唱流明  
步虛朗徹端門肆開霄衛迎定慧之尊闡道  
斜飛葦路拱慈悲之相三薰三沐一拜一祈  
即俾正令安和炎威收歛免鬱攸之就燥庶  
回祿以沉光以今晚朝行道請法眾等運茲  
初捨上香

願此香煙騰空逕上供養

无上至真道寶<sub>臣</sub>等皈身皈神皈命首體投  
地願以是功德上祝

皇帝陛下伏願勳華並德履發同仁神聖武  
文譔九功而大定祿壽名位舞七德以時雍  
魏魏而壽比南山浩浩而福猶北海垂衣臨  
宇朝宗享有道之長服冕坐朝拱極被無為  
之化今故燒香自歸依

師尊大聖眾至真之德得道之後係天長存  
和與道合真

以今晚朝行道請法眾等運茲二捨上香  
願此香煙騰空逕上供養  
无上至真經寶<sub>臣</sub>等皈身皈神皈命首體投

地願以是功德皈流齊官共等伏願堯章朝  
融簾纓曉暢父作子述盡隨行後長之恭夫  
倡婦隨極相待如賓之禮勤鉛槧而詩書同  
味業箕裘而工冶相承白日酬和萬事無營  
而侃侃青春宴樂一塵不染以優優今故燒

香自皈依

師尊大聖眾至真之德得道之後長享自然  
和與道合真

以今晚朝行道請法眾等運茲三捨上香  
願此香煙騰空逕上供養

无上至真師寶<sub>臣</sub>等皈身皈神皈命首體投  
地願以是功德歸流南方從惑星君伏願威  
令潛藏仁恩點蕩入太微受制而出休縱威  
芒守司焉執法而行毋與妖慧社令城隍之  
主宰土地里域之神祇夙過勿言免盡罹於  
天憲新功宜賞惟永莫於民居今故燒香自  
皈依

師尊大聖眾至真之德得道之後永享康寧  
和與道合真

禮方 儀方

禮方 儀方

九

二

三啓

三禮

重稱法位

具位<sub>臣</sub>共與臨壇官眾等謹同誠上啓

三清聖境元始天尊上清真境靈寶天尊太

清仙境道德天尊太上昊天玉皇上帝中天

北極紫微大帝勾陳星宮天皇上帝神霄具

王長生大帝東極青玄上帝后土皇地祇九

天上帝三十二天上帝五老上帝上清十一

曜星皇君南斗六司星君北斗九皇星君二

十八宿星君南方熒惑火德星君熒星星君

齋官家共等各人本命元辰星君九天諸司

真君天曹諸司真君三元三官帝君北極四

聖真君靈寶五師真君泰玄樞機三省真君

十方無極飛天神王五天三界大魔王三天

門下三元真君上章詞表靈官三洞四輔經

錄法科高真上聖五嶽五帝真君五天聖帝

洞天福地靖廬治化得道仙官本派祖玄真

師列位真人經籍度師列位真人北陰玄天

鄧都大帝水府扶桑丹林大帝地水二司曹

九

二

僚接吏城隍社令里域司命三界官屬一切  
 眞靈<sub>且</sub>聞出火紀周室之天時風傳自古禁  
 煙昭晉俗之人事日耀迄今雖無干焚曜之  
 經行實有象火精之變異載籍昭列圖誌詳  
 陳今齋官<sub>其</sub>等庭麻參差磨牙紛錯倉箱鎮  
 宅百室盈而婦孺寧實宜家五穀熟而人  
 民育煥傳星變云是火殃合閭里以張惶遍  
 鄉鄰而震動遠經歲月近歷旬時必翕霍以  
 與災或斯須而兆覺深慮爰從無始逮至有  
 終怨暑咎寒呵風罵雨管營謀利惟思懋遷  
 於有無逐逐求贏固念劑量於出入元臘不  
 守戒禁多違弗推視人猶己之心徒積以己  
 凌人之咎愆書司過疊結司非致飛奏刻於  
 高穹庸渙詔音於下土告諭回祿關報祝融  
 付萬間於一炬之餘不可嚮邇委<sub>于</sub>緣於數  
 刻之頃悉化灰塵自非預禱以預祈曷克弭  
 災而弭災是以轉經行道燒香散花潔衛宇  
 以脩齋爾壇場而設醮觀回陰相俾佑陽居  
 伏望俯監芻蕘恪聆堯語申飭里社降今日  
 之禎祥彌命神靈赦多生之過誤庶得離精

制伏坎幹飛揚院宇深沉老幼均安於枕簟  
 簾櫳靜寂尊卑咸奉於門闈永消撲滅之虞  
 常享和平之祉蒙如丹禱允荷玄休上願乾  
 坤清寧風雲藏靜日星煥耀經緯參調草木  
 蕃鮮無介斤入林之患禽魚茂育絕網羅障  
 路之虞均八極以皆春際十華而若旦醴泉  
 晝湧禾生同穎之祥甘露宵凝麥秀兩岐之  
 瑞三途開泰五道昭明則上明  
 天尊大慈之化下副<sub>臣</sub>等皈命之誠謹啓以  
 聞

稟願

- 一願大道流行善天懷德
- 二願一切有生咸悟悟道
- 三願九夜幽寬一時解脫
- 四願孤寡無依咸得受生
- 五願天下太平五穀豐熟
- 六願臣忠子孝君仁父慈
- 七願四海通同冤親和釋
- 八願潛胞處卵咸得生成
- 九願積疾新病旋即痊愈

十願孤露衆生豐衣足食和與道合眞

存神燒香

香官使者左右龍虎君侍香諸靈官當令<sub>臣</sub>  
 建壇之所自然生金液丹碧芝英百靈衆眞  
 交會在此香火爐前令<sub>臣</sub>學道得道求仙得  
 仙齋主受福炎火煢藏十方仙童玉女侍衛  
 香煙傳<sub>且</sub>向來所啓速達逕御  
 太上无極大道至眞玉皇上帝御前

出堂頌

回靜默

謝師 回向

靈寶領教濟度金書卷之二百五十三